

Bosna i Hercegovina  
Brčko distrikt BiH  
URED-KANCELARIJA ZA REVIZIJU  
JAVNE UPRAVE I INSTITUCIJA  
u Brčko distriktu BiH



Босна и Херцеговина  
Брчко дистрикт БиХ  
КАНЦЕЛАРИЈА-УРЕД ЗА РЕВИЗИЈУ  
ЈАВНЕ УПРАВЕ И ИНСТИТУЦИЈА  
у Брчко дистрикту БиХ



---

Islahijet br.8, telefon 049 218-220, faks 049 218-438  
Ислахијет бр.8, телефон 049 218-220, факс 049 218-438  
[www.revizija-bd.ba](http://www.revizija-bd.ba)

Broj:01-02-03-13-325/16  
R: 08-07; 09-07/16

**IZVJEŠTAJ O REVIZIJI FINANSIJSKOG POSLOVANJA**  
Odjeljenja za zdravstvo i ostale usluge  
za period od 01.01. do 31.12.2015. godine

Brčko, juni 2016. godine

## SADRŽAJ

NEZAVISNO REVIZORSKO MIŠLJENJE.....	3
1. REZIME DATIH PREPORUKA.....	5
2. UVOD.....	7
3. OPĆI DIO.....	7
4. PREDMET, CILJ I OBIM REVIZIJE.....	8
5. OSVRT NA NALAZE I PREPORUKE IZ PRETHODNE REVIZIJE.....	8
6. NALAZI I PREPORUKE .....	10
6.1 Rukovodstvo i sistem internih kontrola.....	10
6.2. Usklađenost sa zakonskim propisima.....	11
6.3. Plan i realizacija planom predviđenih zadataka.....	11
6.4. Prihodi i primici.....	12
6.5. Planiranje i izvršenje tekućeg budžeta.....	12
6.5.1. Tekući grantovi .....	14
6.6. Planiranje i izvršenje kapitalnog budžeta.....	17
6.7. Popis sredstava .....	18
7. KOMENTAR .....	19
PRILOZI.....	20

Bosna i Hercegovina  
Brčko distrikt BiH  
URED-KANCELARIJA ZA REVIZIJU  
JAVNE UPRAVE I INSTITUCIJA  
u Brčko distriktu BiH



Босна и Херцеговина  
Брчко дистрикт БиХ  
КАНЦЕЛАРИЈА-УРЕД ЗА РЕВИЗИЈУ  
ЈАВНЕ УПРАВЕ И ИНСТИТУЦИЈА  
у Брчко дистрикту БиХ



Islahijet br.8, telefon 049 218-220, faks 049 218-438  
Ислахијет бр.8, телефон 049 218-220, факс 049 218-438  
www.revizija-bd.ba

## ODJELJENJE ZA ZDRAVSTVO I OSTALE USLUGE

n/r šefa Odjeljenja

### NEZAVISNO REVIZORSKO MIŠLJENJE

#### Predmet revizije

Izvršili smo reviziju finansijskog poslovanja Odjeljenja za zdravstvo i ostale usluge Vlade Brčko distrikta BiH (u daljnjem tekstu: Odjeljenje) za period od 01.01.-31.12.2015. godine, te reviziju usklađenosti poslovanja s važećim zakonskim i drugim relevantnim propisima.

#### Odgovornost rukovodstva

Šef Odjeljenja je odgovoran za finansijsko poslovanje Odjeljenja i usklađenost poslovanja iz svoje nadležnosti s važećim zakonskim i drugim propisima, programom rada i odobrenim pozicijama budžeta. Ova odgovornost obuhvata: osmišljavanje, primjenu i održavanje internih kontrola koje su relevantne za sprečavanje i otkrivanje materijalno značajnih grešaka u finansijskom poslovanju kao primjerenost i ponašanje revidiranog Odjeljenja nad sredstvima i imovinom koja mu je data na upravljanje.

#### Odgovornost revizora

Naša je odgovornost da izrazimo mišljenje o finansijskom poslovanju na osnovu izvršene revizije. Reviziju smo izvršili u skladu sa Zakonom o reviziji javne uprave i institucija u Brčko distriktu BiH („Službeni glasnik Brčko distrikta BiH“, brojevi: 40/08 i 29/14) i primjenjivim okvirom Međunarodnih standardima vrhovnih revizijskih institucija – ISSAI („Službeni glasnik Brčko distrikta BiH“, broj: 3/15). Ovi standardi nalažu da radimo u skladu sa etičkim zahtjevima i da reviziju planiramo i izvršimo na način koji omogućava da se, u razumnoj mjeri, uvjerimo da finansijsko poslovanje ne sadrži materijalno značajne pogreške, te da je poslovanje usklađeno sa važećim zakonskim i drugim relevantnim propisima.

Revizija uključuje provođenje postupka u cilju pribavljanja revizorskih dokaza o usklađenosti finansijskog poslovanja sa zakonskim i drugim relevantnim propisima, odobrenim i izvršenim pozicijama budžeta. Izbor postupka je zasnovan na revizorskom prosuđivanju, uključujući procjenu rizika nastanka materijalno značajnih grešaka u finansijskom poslovanju. Prilikom procjene rizika, revizor razmatra interne kontrole koje su relevantne za

prezentaciju finansijskog poslovanja, u cilju osmišljavanja revizorskih postupaka koji su odgovarajući u datim okolnostima ali ne u cilju izražavanja odvojenog mišljenja o efektivnosti internih kontrola.

Smatramo da su pribavljeni revizorski dokazi dovoljni i odgovarajući i da obezbjeđuju osnovu za naše revizorsko mišljenje.

### **Pozitivno mišljenje sa isticanjem predmeta**

Po našem mišljenju finansijsko poslovanje Odjeljenja za zdravstvo i ostale usluge je tokom 2015. godine u svim materijalno značajnim aspektima, usklađeno sa odobrenim pozicijama budžeta, kao i sa zakonskim i drugim relevantnim propisima.

Bez daljeg uticaja na naše mišljenje, skrećemo pažnju na sljedeće:

- Nisu uređena vlasnička prava (diobeni bilans) između JZU i Vlade Brčko distrikta BiH.
- Ugovori o obavljanju privremenih i povremenih poslova su zaključivani na period duži od maksimalno propisanih 90 dana i to za obavljanje redovnih poslova koji su sistematizovani u organizacionom planu Odjeljenja i čije se redovno izvršavanje, u skladu sa Zakonom o državnoj službi u organima uprave u Brčko distriktu BiH, obezbjeđuje popunjavanjem upražnjenih radnih mjesta.

Zamjenici glavnog revizora  
Amra Ilić, dipl. oec.

---

mr. sci. Savo Grujić, dipl. oec.

---

Glavni revizor  
Nekir Suljagić, dipl. oec.

---

## 1. REZIME DATIH PREPORUKA

- *Potrebno je sistem internih kontrola poboljšati u dijelu donošenja svih potrebnih podzakonskih akata, okončanja aktivnosti na diobenom bilansu s Javnom zdravstvenom ustanovom „Zdravstveni centar Brčko“, te primjeni zakonskog okvira prilikom povećanja bruto plata i naknada.*
- *Potrebno je dosljedno provoditi nadležnosti propisane Zakonom o javnoj upravi Brčko distrikta BiH, te sačiniti plan i programe razvoja zdravstvene zaštite i plana ljudskih resursa, u skladu sa Zakonom o zdravstvenoj zaštiti Brčko distrikta BiH.*
- *Potrebno je da Odjeljenje poduzme aktivnosti na realizaciji planiranih projekata iz svoje nadležnosti, kao i realizaciji posebnih ciljeva postavljenih Programom rada.*
- *Potrebno je da Odjeljenje, u skladu s dodijeljenim nadležnostima, u planu budžeta planira prihode koji će u tekućoj godini biti realno ostvarivi tj. naplativi.*
- *Potrebno je obezbijediti poštivanje principa ista plata za isti ili sličan posao, kako je to regulisano Zakonom o izmjenama i dopunama Zakona o platama zaposlenih u organima uprave Brčko distrikta BiH.*
- *Potrebno je popunjavanje upražnjenih pozicija vršiti u skladu sa odredbama Zakona o državnoj službi, u dijelu poštivanja načina popunjavanja upražnjenih pozicija.*
- *Potrebno je, ugovore o povremenim i privremenim poslovima zaključivati u skladu sa odredbama Zakona o radu, u dijelu poštivanja propisanih uslova i vremena na koje se isti zaključuju.*
- *Potrebno je, da informacioni sistem omogući sveobuhvatan uvid u sve vrste prava, po pojedinom korisniku socijalne zaštite, koje proizilaze iz Zakona o socijalnoj zaštiti Brčko distrikta BiH.*
- *Potrebno je da Odjeljenje obezbijedi neophodne uslove za realizaciju kapitalnih projekata kako bi se osigurale pretpostavke za efikasno upravljanje kapitalnim budžetom, u skladu sa Zakonom o izvršenju budžeta Brčko distrikta BiH za 2015. godinu.*
- *Potrebno je da Izvještaj o izvršenom popisu imovine obuhvati imovinu koja se nalazi kod drugih fizičkih ili pravnih lica po bilo kom osnovu.*
- *Potrebno je popis imovine potraživanja i obaveza vršiti na način i u rokovima propisanim Uputstvom o radu popisnih komisija i obavljanju popisa sredstava, potraživanja i obaveza.*

- ***Potrebno je, s ciljem nesmetanog funkcionisanja JZU “Zdravstveni centar Brčko” okončati aktivnosti na regulisanju vlasničkih i drugih prava nad imovinom koja joj je data na korištenje, radi efikasnije zaštite imovine, te uspostavljanja uslova za fer prezentaciju finansijskih izvještaja Brčko distrikta BiH i JZU “Zdravstveni centar Brčko”.***

## **NALAZI I PREPORUKE IZVJEŠTAJA O OBAVLJENOJ REVIZIJI FINANSIJSKOG POSLOVANJA ODJELJENJA ZA ZDRAVSTVO I OSTALE USLUGE BRČKO DISTRIKTA BiH ZA 2015. GODINU**

### **2. UVOD**

Obavili smo reviziju finansijskog poslovanja Odjeljenja na osnovu ovlaštenja datih Zakonom o reviziji javne uprave i institucija u Brčko distriktu BiH i drugim relevantnim propisima na osnovu Godišnjeg plana revizija.

### **3. OPĆI DIO**

Odjeljenje obavlja stručne, administrativne i ostale dužnosti iz nadležnosti Vlade koje se odnose na:

- Provođenje zakona i propisa nadležnih tijela institucija BiH i Distrikta iz oblasti zdravstva i ostalih usluga pod nadzorom i uputstvima gradonačelnika;
- Zaštitu zdravlja stanovništva i funkcionisanje institucija zdravstvene zaštite u Distriktu;
- Socijalnu pomoć i socijalnu zaštitu građana, a posebno starih, mentalno i fizički hendikepiranih osoba kao i braka, porodice i djece;
- Planiranje akcije koje treba poduzeti u slučaju ugroženosti zdravlja građana, kao i javnih zdravstvenih kampanja;
- Ostale dužnosti iz nadležnosti ovog Odjeljenja u skladu sa zakonom i propisima BiH i Skupštine ili naložene od strane gradonačelnika.

Unutrašnja organizacija Odjeljenja je utvrđena Organizacionim planom uprave Brčko distrikta BiH i Organizacionim planom Odjeljenja za zdravstvo i ostale usluge, u cilju ostvarivanja zakonitog, blagovremenog i ekonomičnog izvršenja svih poslova iz nadležnosti Odjeljenja, postizanje potpune zaposlenosti zaposlenika i maksimalno korištenje njihovih kvalifikacija i znanja, potpune odgovornosti zaposlenika i efikasno rukovođenje sistemskog unapređenja i saradnje s drugim organima.

Za izvršenje poslova iz djelokruga Odjeljenja organizuju se pododjeljenja - službe:

- Javno zdravstvo,
- Socijalna zaštita - Centar za socijalni rad,
- Služba za administraciju i statistiku Odjeljenja,
- Služba za boračko invalidsku zaštitu i civilne žrtve rata.

Organizacionim planom Odjeljenja je predviđeno 57 zaposlenika, a na dan 31.12.2015. godine Odjeljenje je imalo 47 zaposlenika.

Odjeljenje je smješteno u Zgradi Vlade Brčko distrikta BiH, na adresi Bulevar mira br. 1 u Brčkom.

#### 4. PREDMET, CILJ I OBIM REVIZIJE

**Predmet revizije** je finansijsko poslovanje u 2015. godini, u dijelu planiranja i izvršenja budžeta, ocjena sistema internih kontrola, kao i usklađenost poslovanja iz svoje nadležnosti sa zakonskim i drugim relevantnim propisima.

**Cilj revizije** finansijskog poslovanja Odjeljenja je da omogući revizoru da na osnovu prikupljenih dokaza izrazi mišljenje o tome da li je finansijsko poslovanje, obavljeno u skladu sa zakonskim važećim propisima kao i primjerenog ponašanja rukovodioca Odjeljenja nad sredstvima i imovinom Brčko distrikta BiH. Pored toga revizija je planirana i izvršena sa ciljem pribavljanja realne osnove za ocjenu da li su preduzete sve mjere za namjensko trošenje budžetskih sredstava za svrhe za koje je dato ovlaštenje donošenjem budžeta, te davanja preporuka za dalji rad sa posebnim naglaskom na što efikasniju zaštitu javne imovine i ekonomično trošenje javnih sredstava putem jačanja internih kontrola.

**Obim revizije** je utvrđen internim planskim dokumentima revizije.

S obzirom da se revizija obavlja ispitivanjima na bazi uzoraka i da postoje inherentna ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške mogu ostati neotkrivene.

#### 5. OSVRT NA NALAZE I PREPORUKE IZ PRETHODNE REVIZIJE

Na osnovu preporuka iz Izvještaja o obavljenoj reviziji finansijskog poslovanja za 2014. godinu Odjeljenje je sačinilo Akcioni plan za otklanjanje nedostataka po revizorskom izvještaju broj: 13-002034/15 od 31.08.2015. godine, koji je Odlukom od 11.09.2015. godine usvojen od strane Vlade Brčko distrikta BiH.

Osvrtom na preporuke revizije date u Izvještaju o obavljenoj reviziji finansijskog poslovanja za 2014. godinu te uvidom u preduzete aktivnosti utvrdili smo sljedeće:

- **Realizovane preporuke**

Sačinjena je procedura nabavke i odobravanja poboljšane verzije ortopedskog pomagala za ratne vojne invalide,

Izdaci za jednokratnu pomoć demobilisanim borcima se evidentiraju na jednoj poziciji, u skladu sa analitičkim stavkama planiranim u budžetu.

- **Nerealizovane preporuke**

Nisu doneseni standardi i normativi u pružanju usluga iz obaveznog zdravstvenog osiguranja iz razloga što predloženi standardi i normativi od strane FZO-a nisu obuhvatili Brčko distrikt kao jednu cjelinu, te su od strane Odjeljenja odbijeni.

Nisu okončane aktivnosti na uvođenju integralnog informacionog sistema za sve zdravstvene institucije.



Nisu uređena vlasnička prava (diobeni bilans) između JZU i Vlade Brčko distrikta BiH.

Planiranje povećanja plata i dodataka na platu, te isplata istih nisu provedeni u skladu sa odredbama Zakona o platama.

Nisu dopunjeni kriteriji za dodjelu jednokratne pomoći demobilisanim borcima u dijelu ostvarivanja prava na jednokratnu pomoć, kako bi se obezbijedila isplata u istom iznosu za sve korisnike. U prilogu Akcionog plana dostavljen nam je Zaključak Vlade Brčko distrikta BiH broj: 13-002034/15 od 23.09.2015. godine, u kojem je navedeno da će se jednokratna novčana pomoć i dalje raspoređivati proporcionalno, na tri jednaka dijela za demobilisane borce Armije BiH, HVO-e i Vojske RS-e.

- **Djelimično realizovana preporuka**

Još uvijek nisu doneseni svi podzakonski akti propisani odredbama člana 179 Zakona o zdravstvenoj zaštiti Brčko distrikta BiH.

## 6. NALAZI I PREPORUKE

### 6.1 Rukovodstvo i sistem internih kontrola

Revizija obuhvata ocjenu sistema internih kontrola, sa naglaskom na funkcionisanje internih kontrola kroz realizaciju programa rada, planiranja i izvršenja budžeta, te usklađenost poslovanja sa zakonskim i podzakonskim aktima.

Na osnovu provedene revizije značajnih procesa poslovanja, izvršili smo procjenu uspostavljanja, funkcionisanja i nadzora sistema internih kontrola.

Članom 179 (Podzakonski akti) Zakona o zdravstvenoj zaštiti Brčko distrikta BiH („Službeni glasnik Brčko distrikta BiH“, broj: 38/11, 9/13 i 27/14), propisana je obaveza šefa Odjeljenja, da u određenim rokovima od donošenja Zakona (od 6 odnosno 9 mjeseci), donese podzakonske akte. Revizijom smo utvrdili da Odjeljenje nije, u propisanim rokovima, donijelo podzakonske akte koji propisuju:

- bliže uslove za posebne oblike rada zdravstvenih radnika, odnosno zdravstvenih saradnika,
- način vođenja, čuvanja, prikupljanja i raspolaganja medicinskom dokumentacijom,
- program, sadržaj, način provođenja pripravničkog staža, način vođenja evidencije, kriterije i uslove koje je dužna ispuniti zdravstvena ustanova i privatna praksa u kojoj se provodi pripravnički staž, program i postupak polaganja stručnog ispita, sastav, način imenovanja i rada komisije, kao i visinu naknade za polaganje stručnog ispita,
- vrste kontinuirane edukacije, program, dužinu trajanja, ustanove i udruženja koja mogu provoditi kontinuiranu edukaciju,
- bliže uslove, način imenovanja i rada komisija, kao i postupak za dodjelu naziva primarijus,
- sadržaj registra certifikovanih zdravstvenih ustanova i privatnih praksi,
- uslove, način imenovanja, rad i visinu naknade za rad nadležnih zdravstvenih radnika za utvrđivanje smrti lica, postupak utvrđivanja smrti lica, kao i postupak obavljanja obdukcije,
- uvođenje i upravljanje zdravstvenom tehnologijom, kao i uspostavljanje i održavanje baze podataka,
- metode, postupke i davanje saglasnosti za obavljanje alternativne medicine, te
- način i sadržaj oglašavanja zdravstvene ustanove i privatne prakse.

Postoje nedostaci interne kontrole u dijelu nepoduzimanja potrebnih aktivnosti za implementaciju diobenog bilansa s Javnom zdravstvenom ustanovom „Zdravstveni centar Brčko“.

Povećanje plata na ime složenosti poslova nije utemeljeno na odredbama postojećeg Zakona o platama zaposlenih u organima uprave Brčko distrikta BiH. Odobreni i izvršeni izdaci za plate sadrže povećanje u iznosu od 14.969,88 KM, na ime složenosti poslova i posebnih uslova rada zaposlenih u zdravstvu od 20% od ukupne bruto plate, što nije u

skladu s članom 9 stavom (5) Zakona o platama zaposlenih u organima uprave Brčko distrikta BiH.

***Potrebno je sistem internih kontrola poboljšati u dijelu donošenja svih potrebnih podzakonskih akata, okončanja aktivnosti na diobenom bilansu s Javnom zdravstvenom ustanovom „Zdravstveni centar Brčko“, te primjeni zakonskog okvira prilikom povećanja bruto plata i naknada.***

## 6.2. Usklađenost sa zakonskim propisima

U nadležnosti Odjeljenja, između ostalih nadležnosti, je i donošenje planova i programa mjera zdravstvene zaštite i izrada programa razvoja zdravstvene zaštite a što je propisano odredbama člana 25 tačka h) i i) Zakona o javnoj upravi Brčko distrikta BiH. Sadržaj, postupak donošenja i period trajanja Plana i programa razvoja zdravstvene zaštite je regulisan članom 5 Zakona o zdravstvenoj zaštiti Brčko distrikta BiH.

Revizijom smo ustanovili da Odjeljenje nije sačinilo prijedlog srednjoročnog plana razvoja zdravstvene zaštite, kako je to propisano stavom 1 člana 5 navedenog Zakona. Osim toga, Odjeljenje nije sačinilo prijedloge programa zdravstvene zaštite zdravstvenog sistema Distrikta, odnosno srednjoročni plan ljudskih resursa za zdravstveni sistem distrikta, a što je propisano stavom 3) odnosno 4) člana 5 istog Zakona.

***Potrebno je dosljedno provoditi nadležnosti propisane Zakonom o javnoj upravi Brčko distrikta BiH, te sačiniti plan i programe razvoja zdravstvene zaštite i plana ljudskih resursa, u skladu sa Zakonom o zdravstvenoj zaštiti Brčko distrikta BiH.***

## 6.3. Plan i realizacija planom predviđenih zadataka

Odjeljenje je, u skladu sa svojim nadležnostima, izradilo Program rada za 2015. godinu sa predviđenih pet ciljeva i planiranih aktivnosti koje će se provoditi u 2015. godini.

U skladu s planiranim ciljevima, po isteku godine Odjeljenje je izradilo Izvještaj o radu u kojem su navedeni rezultati postignuti obavljanjem poslova koja proizilaze iz općih nadležnosti pododjeljenja.

Informacije o realizaciji posebnih ciljeva postavljenih Programom rada za 2015. godinu, nisu kompletne, tako da svih pet ciljeva postavljenih Programom rada nije elaborirano. U okviru prvog cilja „Planiranje, pokretanje postupaka i izvršenje kapitalnog budžeta“ završena je procedura javne nabavke medicinske i laboratorijske opreme, uvođenje grijanja u ambulantama, kao i usluge izrade idejnog i glavnog projekta za rekonstrukciju anestezije, intenzivne njege i operacionog bloka u Bolnici Brčko distrikta. U toku je i izrada tenderske dokumentacije za nabavku i ugradnju lifta u Domu zdravlja, te izrada tenderske dokumentacije za uvođenje grijanja na električnu energiju u MZ Ulice.

U okviru planiranih zakonodavnih aktivnosti donesen je Zakon o izmjenama i dopunama Zakona o dopunskim pravima porodica poginulih boraca i ratnih vojnih invalida, Zakon o izmjeni i dopuni Zakona o zdravstvenoj zaštiti u Brčko distriktu BiH. Doneseni su podzakonski akti i to: Pravilnik o referalnom sistemu u zdravstvenoj zaštiti u Brčko distriktu BiH, Pravilnik o izmjenama i dopunama Pravilnika o specijalizacijama i subspecijalizacijama, Pravilnik o

organizovanju, sastavu, načinu imenovanja i rada kriznog štaba u zdravstvu Brčko distrikta BiH i Pravilnik o utvrđivanju sastava tima porodične medicine na području Brčko distrikta BiH. Nisu doneseni sljedeći zakoni: Zakon o izmjenama i dopunama Zakona o socijalnoj zaštiti Brčko distrikta BiH, Zakon o dopunskim pravima demobilisanih boraca u Brčko distriktu BiH, Zakon o zaštiti od nasilja u porodici, Izmjena i dopuna Porodičnog zakona Brčko distrikta BiH, Zakon o transplataciji organa Brčko distrikta BiH i Zakon o zaštiti stanovništva od zaraznih bolesti Brčko distriktu BiH.

Pokretanje postupka akreditacije laboratorije, kao treći cilj postavljen Programom rada Odjeljenja, zbog kasnog preseljenja laboratorije u nove prostorije i ne popunjavanja upražnjene pozicije, nije realizovan.

***Potrebno je da Odjeljenje poduzme aktivnosti na realizaciji planiranih projekata iz svoje nadležnosti, kao i realizaciji posebnih ciljeva postavljenih Programom rada.***

#### 6.4. Prihodi i primici

Ukupno planirani prihodi Odjeljenja za 2015. godinu iznose 219.216,51 KM, a za izvještajni period su ostvareni u iznosu od 117.504,02 KM, ili 53,60% plana.

Struktura ukupnih prihoda Odjeljenja na dan 31.12.2015. godine prikazana je u Tabeli broj 3, u prilogu Izvještaja.

Iz navedenog tabelarnog prikaza može se uočiti da je procent ostvarenja prihoda, za izvještajni period, znatno niži od planiranog. Najznačajniju vrstu prihoda u ukupnom ostvarenju predstavlja prihod koji ostvaruje Pododjeljenje za javno zdravstvo, na ime fakturisanja usluga koje su u nadležnosti ovog Pododjeljenja, kao što su usluge uzorkovanja vode i hrane, uzimanje briseva i drugo, planiran u iznosu od 200.000,00 KM, a ostvaren u iznosu od 97.232,66 KM. Razlozi značajno nižeg ostvarenja prihoda u planiranom iznosu su kašnjenje u preseljenju laboratorije u prostorije bivšeg Instituta za uljarice, nepopunjenost pozicija dr. specijaliste – mikrobiologa, dr. medicine i laboranta.

***Potrebno je da Odjeljenje, u skladu sa dodijeljenim nadležnostima, u planu budžeta planira prihode koji će u tekućoj godini biti realno ostvarivi tj. naplativi.***

#### 6.5. Planiranje i izvršenje tekućeg budžeta

Tekući budžet Odjeljenja za 2015. godinu odobren je u iznosu od 44.419.344,45 KM, a izvršen u iznosu od 42.625.653,26 KM, odnosno 95,96 % (Tabela broj 1 u Prilogu Izvještaja).

Izvršenje sredstava tekućeg budžeta odnosi se na: plate i naknade troškova zaposlenih u iznosu od 952.277,64 KM, doprinosi na teret poslodavca 34.782,61 KM, izdatke za materijal i usluge u iznosu od 4.731.825,17 KM i tekuće grantove u iznosu od 36.906.767,84 KM.

Odjeljenje je, u skladu s Odlukom o kategorizaciji radnih mjesta u organima javne uprave Brčko distrikta BiH, u predviđenom roku od šest mjeseci, donijelo novi Organizacioni plan. Uvidom u isti ustanovili smo da je za radno mjesto šefa Službe za administraciju i statistiku Odjeljenja, kategorija radnog mjesta - državni službenici i namještenici stručnjaci/eksperti, trećeg stepena kategorije, sa zvanjem šefa službe, Organizacionom planom predviđen platni razred VIII3. Za tri pozicije šefa službe u okviru Centra za socijalni rad i jednog šefa službe Boračko invalidske zaštite i civilnih žrtava rata, predviđen je platni razred VIII1.

Članom 1a Zakona o izmjenama i dopunama Zakona o platama zaposlenih u organima uprave Brčko distrikta BiH, je propisano da će se prilikom određivanja iznosa plata i drugih naknada zaposlenima u organima uprave Brčko distrikta BiH poštivati princip ista plata za isti ili sličan posao. U skladu sa ovim principom zaposleni u organima uprave Brčko distrikta BiH koji obavljaju iste ili slične poslove primat će istu osnovnu platu.

Revizijom smo ustanovili da je za radno mjesto šefa službe, sa istim stepenom kategorije i zvanjem radnog mjesta, istim uslovima u pogledu stručne spreme i istim ostalim uslovima za obavljanje propisanih poslova određeni različiti platni podrazred, što nije u skladu sa članom 1a Zakona o izmjenama i dopunama Zakona o platama zaposlenih u organima uprave Brčko distrikta BiH.

***Potrebno je obezbijediti poštivanje principa ista plata za isti ili sličan posao, kako je to regulisano Zakonom o izmjenama i dopunama Zakona o platama zaposlenih u organima uprave Brčko distrikta BiH.***

Izdaci za Ugovorene usluge za 2015. godinu su planirani u iznosu od 4.854.650,00 KM a ostvareni u iznosu od 4.266.128,80 KM, ili 87,88% plana. U okviru ugovorenih usluga Odjeljenje je po osnovu Ugovora o privremenim i povremenim poslovima broj: 05-000582/14 od 06.06.2014. godine, realizovalo iznos od 22.413,15 KM. Predmet ugovora su poslovi diplomiranog pravnika koji spadaju u nadležnost Odjeljenja. Poslovi će se obavljati u prostorijama Odjeljenja u trajanju od osam časova dnevno, raspoređenih u petodnevnu radnu nedjelju. Ugovor je zaključen na određeno vrijeme, a najduže do dvije godine. Naknada za izvršeni posao ugovorena je u bruto iznosu od 2.490,35 KM. Ugovorom je predviđen i otkazni rok u trajanju od 30 dana (član 6 Ugovora).

Organizacionim planom Odjeljenja kao jedna od organizacionih jedinica predviđena je Služba za administraciju i statistiku Odjeljenja. U okviru navedene Službe sistematizovano je ukupno 6 radnih mjesta, od kojih je za radno mjesto „Stručni savjetnik za pravne poslove” predviđeno dva izvršioca.

Revizijom smo utvrdili da su u Detaljnom zahtjevu za plate za 2015. godinu za dva Stručna savjetnika za pravne poslove - platni razred VIII2 predviđene različite mjesečne bruto plate i to jedna (popunjena) u iznosu od 2.436,60 KM i druga nepopunjena u iznosu 2.490,35 KM. Za ugovorene poslove naknada je isplaćena sa pozicije ugovorenih usluga.

Iz navedenog proizilazi da se ugovoreni poslovi obavljaju kontinuirano, u toku osmočasovnog radnog vremena. Sam naziv ugovora podrazumijeva činjenicu da se radi o privremenim i povremenim poslovima

Odredbama člana 46 (Rad na određeno vrijeme), stav (4) Zakona o državnoj službi u organima javne uprave Brčko distrikta BiH, je regulisano da se izuzetno, rad u organima javne uprave može zasnovati angažovanjem izvršioca za privremene i povremene poslove

u slučaju ispunjavanja obaveza iz nadležnosti organa javne uprave za **koje ne postoje predviđena radna mjesta**. Revizijom smo utvrdili da je Odjeljenje zaključilo ugovor o privremenim i povremenim poslovima, iako je Organizacionim planom i Budžetom za 2015. godinu predviđeno radno mjesto, što znači da nisu ispunjeni uslovi predviđeni odredbama člana 46 stava (4) Zakona o državnoj službi u organima javne uprave Brčko distrikta BiH.

Članom 143 stav 1 navedenog Zakona je regulisano da se na sva pitanja koja nisu uređena Zakonom o državnoj službi primjenjuje Zakon o radu. Istim je propisano da se za obavljanje privremenih i povremenih poslova može zaključiti ugovor pod uslovom da: su privremeni i povremeni poslovi utvrđeni u zakonu, podzakonskom aktu, kolektivnom ugovoru ili pravilniku o radu; da ne predstavljaju poslove za koje se zaključuje ugovor o radu na određeno ili neodređeno vrijeme s punim ili nepunim radnim vremenom; da ne traju duže od 90 dana u toku kalendarske godine. Također, regulisano je da ukoliko izvršilac posla obavlja posao u radnim prostorijama poslodavca, ima pravo i na osiguranje za slučaj povrede na radu – član 23 Zakona o izmjenama i dopunama Zakona o radu Brčko distrikta BiH ( „ Službeni glasnik Brčko distrikta BiH”, broj: 20/13).

S tim u vezi možemo konstatovati da Ugovor o povremenim i privremenim poslovima nije zaključen u skladu sa odredbama člana 46 Zakona o državnoj službi i člana 23 Zakona o izmjenama i dopunama Zakona o radu.

Radno mjesto je utvrđeno Organizacionim planom, upražnjeno je, u budžetu su odobrena sredstva za platu i doprinose i ispunjeni su svi uslovi za raspisivanje konkursa, kako je propisano članom 34 Zakona o državnoj službi.

***Potrebno je popunjavanje upražnjenih pozicija vršiti u skladu sa odredbama Zakona o državnoj službi, u dijelu poštivanja načina popunjavanja upražnjenih pozicija.***

***Potrebno je, ugovore o povremenim i privremenim poslovima zaključivati u skladu sa odredbama Zakona o radu, u dijelu poštivanja propisanih uslova i vremena na koje se isti zaključuju.***

#### 6.5.1. Tekući grantovi

**Tekući grantovi** odobreni budžetom iznose 37.809.881,70 KM, izvršeni su u iznosu od 36.906.767,82 KM odnosno 95,81 % od odobrenog budžeta, a odnose se na slijedeće:

1) Grantovi pojedincima u iznosu od	20.658.465,30
2) Grantovi neprofitnim organizacijama u iznosu od	235.000,00
3) Subvencije javnim preduzećima	16.013.302,54

**Izdaci za grantove pojedincima** odobreni budžetom iznose 21.561.525,00 KM, a izvršeni su u iznosu od 20.658.465,30KM ili 96,90% od odobrenog. Ova sredstva su utrošena za isplate:

- po Zakonu o socijalnoj zaštiti Brčko distrikta BiH u iznosu od 4.387.117,00 KM i to za beneficije za socijalnu zaštitu u iznosu od 2.048.620,00KM, tuđu njegu i pomoć u iznosu od 2.235.268,00

KM, za djecu i odrasle pod starateljstvom u iznosu od 78.046,00 KM i jednokratnu pomoć u iznosu od 25.183,00 KM,

- po Zakonu o dječijoj zaštiti Brčko distrikta BiH u iznosu od 9.677.143,50 KM, a odnosi se na: dječiji dodatak u iznosu od 9.425.943,50KM, materinski dodatak u iznosu od 123.735,00 i opremu za novorođenčad u iznosu od 127.465,00 KM,

- refundaciju bolovanja privrednim subjektima u iznosu od 1.398.461,89 KM, koji su u nadležnosti Pododjeljenja za socijalnu zaštitu, u skladu sa Odlukom gradonačelnika o uslovima i načinu isplate naknada plata zaposlenicima u toku porodijskog odsustva broj: 01-014-001435/05 od 21.02. 2005. godine i Odlukom o izmjeni i dopuni Odluke broj: 34-000890/13 od 15.01.2014. godine,

- jednokratne novčane pomoći penzionerima u iznosu od 1.281.901,50 KM, na osnovu Odluke Vlade Brčko distrikta BiH o odobravanju Programa utroška sredstava broj: 34-000369/15 od 14.10.2015. godine,

- jednokratne novčane pomoći za rješavanje socijalnog statusa radnika koji su radili u ODP „Interplet“ Brčko u iznosu od 404.022,08 KM, na osnovu skupštinske Odluke o kriterijima i procedurama za utvrđivanje prava i visine sredstava za dodjelu jednokratne pomoći broj: 01-02-522/15 od 30.09.2015. godine,

- jednom licu iznosa od 3.360,00 KM, na osnovu Odluke Vlade Brčko distrikta BiH o dopuni Odluke broj: 34-000802/12 od 30.12.2015. godine, po završenom postupku prava na žalbu i obnovljenom postupku u skladu sa zakonom, a po osnovu Odluke o kriterijima socijalnog zbrinjavanja radnika preduzeća i institucija, koja su ne svojom krivicom 1992. godine ostali bez posla,

- jednokratne novčane pomoći za rješavanje socijalnog statusa radnika koji su radili u ODP „Izbor“ Brčko u iznosu od 849.995,00 KM, na osnovu skupštinske Odluke o kriterijima i procedurama za utvrđivanje prava i visine sredstava za dodjelu jednokratne pomoći broj: 01-02-541/15 od 14.10.2015. godine,

- za grantove pojedincima koji su u nadležnosti Službe za boračko invalidsku zaštitu u iznosu od 2.874.973,83 KM i to za: nabavka udžbenika djeci poginulih i invalida u iznosu od 120.350,00 KM, jednokratna pomoć demobilisanim borcima u iznosu od 298.500,00 KM, pomoć u slučaju smrti demobilisanog borca i članova njegove porodice u iznosu od 180.086,00 KM, izdaci za vojne invalide, ranjene borce i porodice u iznosu od 87.448,00 KM, jednokratna pomoć u iznosu od 64.902,18 KM, stambeno zbrinjavanje boračkih kategorija u iznosu od 1.183.672,77 KM i beneficije za civilne žrtve rata u iznosu od 940.014,88 KM.

U okviru grantova koji su u nadležnosti Centra za socijalni rad, evidencija korisnika socijalne pomoći se vodi na način da su formirane odvojene baze podataka po pojedinim vrstama prava iz socijalne zaštite, predviđenih odredbama Zakona o socijalnoj zaštiti Brčko distrikta BiH.

Revizijom smo utvrdili da evidencija ne obezbjeđuje sveobuhvatnu informaciju po korisniku o svim vrstama prava koje on u određenom periodu koristi ili je koristio. U cilju efikasnijeg načina rada, sistemskog unapređenja poslovanja kao i efikasnijeg i preciznijeg planiranja i upravljanja budžetom za socijalne potrebe, neophodno je obezbijediti integralnu bazu podataka koja omogućava uvid u sva odobrena prava socijalne zaštite, po korisniku.

***Potrebno je, da informacioni sistem omogući sveobuhvatan uvid u sve vrste prava, po pojedinom korisniku socijalne zaštite, koje proizilaze iz Zakona o socijalnoj zaštiti Brčko distrikta BiH.***

**Izdaci za grantove neprofitnim organizacijama** Navedeni grantovi odobreni budžetom iznose 235.000,00 KM i izvršeni su istom iznosu, a odnose se na sljedeće isplate:

- Po Odluci Vlade Brčko distrikta BiH o odobravanju programa utroška sredstava broj: 34-00185/15 od 17.06.2015. godine - grant za banjско-klimatsko liječenje udruženjima PIO RS i PIO/MIO Federacije BiH u iznosu od po 50.000,00 KM.

- po Odluci Vlade Brčko distrikta BiH o odobravanju programa utroška sredstava i kriterijima za dodjelu grantova Udruženju anesteziologa i reanimatologa RS za organizovanje stručnog simpozija Udruženja, s međunarodnim učešćem u Brčko distriktu BiH, broj: 13-001558/15 od 15.06.2015. godine u iznosu od 15.000,00 KM.

- po Odluci Vlade Brčko distrikta BiH o odobravanju Programa utroška sredstava za dodjelu dotacija Boračkoj organizaciji RS i Udruženju veterana boračke organizacije VRS Brčko, broj: 13-001511/15 od 12.08.2015. godine, namijenjenog za spomen sobu u iznosu od 50.000,00 KM,

- po Odluci Vlade Brčko distrikta BiH, o odobravanju Programa utroška sredstava za dodjelu dotacija Udruženju porodica poginulih boraca Vojske RS, za prikupljanje arhivske građe u razdoblju od 1992. do 2014. godine, broj: 13-002068/15 od 16.10.2015. godine, u iznosu od 70.000,00 KM.

**Izdaci za subvencije javnim preduzećima** realizovani su u iznosu od 16.013.302,54 KM. U okviru ovih izdataka isplaćeno je:

1. Fondu zdravstvenog osiguranja Brčko distrikta BiH iznos od 8.800.000,00 KM i to:

- po Odluci Vlade Brčko distrikta BiH o odobravanju utroška sredstava broj: 13-000630/15 od 12.03.2015. godine u iznosu od 1.227.764,50 i Odluci broj: 13-001109/15 od 28.05. 2015. godine u iznosu od 6.772.235,50 KM, što ukupno iznosi 8.000.000,00 KM,

- po Odluci Vlade Brčko distrikta BiH o odobravanju utroška sredstava broj: 13-001115/15 od 28.05.2015. godine, u iznosu od 200.000, 00 KM, za nabavku accu check trakica osiguranicima Brčko distrikta BiH koji boluju od diabetesa,

- po Odluci Vlade Brčko distrikta BiH o odobravanju utroška sredstava broj: 13-001114/15 od 28.05.2015. godine, u iznosu od 600.000, 00 KM, za troškove



transplantacije organa osiguranika FZO Brčko distrikta BiH definisanih članom 81 stavom (2) Zakona o zdravstvenom osiguranju Brčko distrikta BiH.

2. Javnoj zdravstvenoj ustanovi Brčko distrikta BiH iznos od 6.513.356,70 KM i to:

- po Odluci Vlade Brčko distrikta o odobravanju utroška sredstava broj: 13-001108/15 od 28.05.2015. godine, namijenjena za finansiranje ostvarivanja zdravstvene zaštite u skladu s članovima 7 i 8 Zakona o zdravstvenoj zaštiti, iznos od 6.500.000,00 KM,

- po Odluci Vlade Brčko distrikta o odobravanju utroška sredstava broj: 13-002600/15 od 16.10.2015. godine, iznos od 11.220,00 KM namijenjen za realizaciju Akcionog plana BiH za rješavanje problema Roma,

- po Odluci Vlade Brčko distrikta o odobravanju utroška sredstava broj: 13-002601/15 od 16.10.2015. godine, iznos od 2.136,70,00 KM, namijenjen Centru za mentalno zdravlje za potrebe djece sa posebnim potrebama,

3. JKP „Komunalno Brčko“ d.o.o, za subvencioniranje dijela troškova za utrošenu električnu energiju za posebne kategorije stanovništava sa prebivalištem u Brčko distriktu BiH, a na osnovu Odluke Vlade Brčko distrikta o odobravanju utroška sredstava broj: 34-000451/15 od 10.12.2015. godine iznos od 699.945,84 KM.

## 6.6. Planiranje i izvršenje kapitalnog budžeta

Sredstva odobrena kapitalnim budžetom za period 2013. - 2015. godina iznose 8.473.824,28 KM, a izvršenje istih iznosi 1.279.779,64 KM ili 15,10% odobrenog budžeta. Od navedenog iznosa u 2015. godini je izvršen iznos od 514.257,45 KM, koji se odnosi na nabavku medicinske opreme – digitalni mamografski sistem (projekat iz 2014. godine) u iznosu od 349.000,00 KM, nabavku centralne jedinice i monitora u iznosu od 87.918, KM (kapitalni projekat iz 2013. godine) i ostalo.

Budžetom za 2015. godinu planirano je 6 kapitalnih projekata za nabavku medicinske opreme, ukupne vrijednosti 2.795.991,50 KM, od kojih ni jedan nije izvršen (Tabela broj 2 u Prilogu Izvještaja).

Ukupno neutrošena sredstva iznose 7.194.044,64 KM, od čega se na 2013. godinu odnosi 2.271.486,60 KM, koji je operativan samo do kraja revidirane godine. U 2013. godini je planiran projekat „Rekonstrukcija Odjeljenja anestezije, intenzivne njege i operacionog bloka“ u iznosu od 1.176.000,00 KM, a realizovano je svega 14.625,00 KM. Iste godine je planiran i projekat „Nabavka opreme za anesteziju i reanimaciju“ u iznosu od 80.000,00 KM, koji, do kraja 2015. godine nije ni započeo.

Članom 10 stavom (2) Zakona o izvršenju budžeta Brčko distrikta BiH za 2015. godinu je propisano da su budžetski korisnici odgovorni, između ostalog i za efikasnost u raspolaganju sredstvima koja su im odobrena Budžetom. Procent realizacije od 15,10% trogodišnjeg kapitalnog budžeta ukazuje na neefikasno korištenje i nepotrebno zadržavanje budžetskih sredstava za kapitalne projekte.

***Potrebno je da Odjeljenje obezbijedi neophodne uslove za realizaciju kapitalnih projekata kako bi se osigurale pretpostavke za efikasno upravljanje kapitalnim***

***budžetom, u skladu sa Zakonom o izvršenju budžeta Brčko distrikta BiH za 2015. godinu.***

**6.7. Popis sredstava**

Komisija za popis osnovnih sredstava, sitnog inventara, obaveza, porto blagajne, zaliha lijekova i ostalih materijala, imenovana Odlukom šefa Odjeljenja broj: 05-001060/15 od 12.11.2015. godine je, u skladu s Uputstvom o radu popisnih komisija o obavljanju popisa sredstava, potraživanja i obaveza („Službeni glasnik Brčko distrikta BiH“ broj: 30/08), izvršila popis osnovnih sredstava, sitnog inventara, obaveza, porto blagajne, zaliha lijekova i ostalih materijala. Nakon izvršenog popisa Komisija je, 05.02.2015. godine, sačinila Izvještaj o izvršenom popisu, na dan 31.12.2015. godine.

U Izvještaju je konstatovano da ukupna vrijednost stalnih sredstava po stvarnom i knjigovodstvenom stanju iznosi **37.228.685,19** KM, ali istim nisu elaborirana sredstva koja se nalaze kod drugih fizičkih ili pravnih lica, po bilo kom osnovu, odnosno koja su data na korištenje Javnoj zdravstvenoj ustanovi “Zdravstveni centar Brčko“, kako je to propisano članom 2 stav (1) d) Uputstva o radu popisnih komisija o obavljanju popisa sredstava, potraživanja i obaveza.

***Potrebno je da Izvještaj o izvršenom popisu imovine obuhvati imovinu koja se nalazi kod drugih fizičkih ili pravnih lica po bilo kom osnovu.***

Odredbama člana 7 Uputstva o radu popisnih komisija o obavljanju popisa sredstava, potraživanja i obaveza, propisano je da popis za prethodnu godinu treba okončati do 15. 01. naredne godine.

Revizijom smo utvrdili da je usklađivanje knjigovodstvenog sa stvarnim stanjem imovine sa Direkcijom za finansije izvršeno 12.02.2016. godine, što nije u skladu sa odredbama navedenog Uputstva.

***Potrebno je popis imovine potraživanja i obaveza vršiti na način i u rokovima propisanim Uputstvom o radu popisnih komisija i obavljanju popisa sredstava, potraživanja i obaveza.***

Odlukom o osnivanju Javne zdravstvene ustanove “Zdravstveni centar Brčko” propisano je da se imovina zatečena na korištenju u institucijama koje su u sastavu JZU, osim nekretnina i pokretne vrijednosti iznad 100.000,00 KM prenesu u imovinu (aktivu bilansa stanja) JZU. Odlukom gradonačelnika broj: 05-000403/13 od 06.03.2013. godine imenovana je radna grupa sa zadatkom da sačini tekst akta o rješavanju vlasničkih prava (diobeni bilas) imovine koja je neophodna za funkcionisanje JZU. Revizijom smo utvrdili da Odjeljenje nije provelo aktivnosti propisane Odlukom.

***Potrebno je, u cilju nesmetanog funkcionisanja JZU “Zdravstveni centar Brčko” okončati aktivnosti na regulisanju vlasničkih i drugih prava nad imovinom koja joj je data na korištenje, radi efikasnije zaštite imovine, te uspostavljanja uslova za fer prezentaciju finansijskih izvještaja Brčko distrikta BiH i JZU “Zdravstveni centar Brčko”.***

## **7. KOMENTAR**

Odjeljenju je uručen Nacrt Izvještaja o reviziji finansijskog poslovanja za 2015. godinu broj: 01-02-03-13-270/16 na razmatranje i dostavljanje eventualnih novih dokaza i komentara na nalaze revizije.

U ostavljenom roku od 15 dana, Odjeljenje se očitovalo dopisom broj: 13-003428/15 od 15.06.2016. godine. U navedenom očitovanju nisu navedene primjedbe na nalaze sadržane u Nacrtu izvještaja, te je ovaj Izvještaj konačan.

**Tim za reviziju**

**Envera Imamović, dipl. oec.**

**Amra Mehić, dipl. oec.**

**PRILOZI**

Struktura planiranih i izvršenih tekućih izdataka Odjeljenja za 2015. godinu, po pozicijama prikazana je u sljedećoj tabeli:

Tabela broj 1

R. br.	Ekon. kod	Naziv ekonomskog koda	Izvršenje Budžeta 31.12.2014.	Plan za 31.12.2015.	Izvršenje tekućeg budžeta 31.12.2015.	Procent izvršenja %
1	2	3	4	5	6	7(6/5)x100
1.	611100	Bruto plate i naknade	976.304,57	997.712,29	949.705,64	95,19
2.	611200	Naknade troškova zaposlenih	12.947,76	39.289,00	2572,00	6,55
<b>3.</b>	<b>611000</b>	<b>Plate i naknade troškova zaposlenih (1+2)</b>	<b>989.252,33</b>	<b>1.037.001,29</b>	<b>952.277,64</b>	<b>91,83</b>
4.	612000	Doprinos na teret poslodavca	34.995,34	44.531,46	34.782,61	78,11
5.	613100	Putni troškovi	6.249,66	29.470,00	3.541,89	12,02
6.	613200	Izdaci za energiju	27.637,47	46.500,00	34.142,80	73,43
7.	613300	Izdaci za komunalne usluge	108.012,85	118.530,00	105.150,56	88,71
8.	613400	Nabavka materijala	177.161,81	378.150,00	304.108,92	80,42
9.	613500	Izdaci za usluge prevoza i goriva	37.055,54	27.200,00	11.401,11	41,92
10.	613700	Izdaci za tekuće održavanje	39.924,23	66.550,00	3.472,72	5,22
11.	613800	Izdaci osigur., bank. usluge i usl. platnog prometa	2.826,58	6.880,00	3.878,37	56,37
12.	613900	Ugovorene usluge	4.120.112,79	4.854.650,00	4.266.128,80	87,88
<b>13.</b>	<b>613000</b>	<b>Izdaci za materijal i usluge (5+6+...+12)</b>	<b>4.518.980,93</b>	<b>5.527.930,00</b>	<b>4.731.825,17</b>	<b>85,60</b>
14.	614200	Grantovi pojedincima	20.839.801,62	21.561.525,00	20.658.470,30	95,81
15.	614300	Grantovi neprofitnim organizacijama	225.000,00	235.000,00	235.000,00	100,00
16.	614400	Subvencije javnim preduzećima	16.300.000,00	16.013.356,70	16.013.302,54	100,00
<b>17.</b>	<b>614000</b>	<b>Tekući grantovi</b>	<b>37.364.801,62</b>	<b>37.809.881,70</b>	<b>36.906.772,84</b>	<b>97,61</b>
18.		<b>Ukupan tekući budžet (3+4+13+17)</b>	<b>42.908.030,22</b>	<b>44.419.344,45</b>	<b>42.625.658,26</b>	<b>95,96</b>

## Budžet kapitalnih potreba

Tabela broj 2

God.	Planirani kapitalni budžet po godinama	Izvršenje kapitalnog budžeta do 01.01.2015.g.	Izvršenje kapit. budžeta u 2015. god.	Izvršeno na dan 31.12.2015. godine (4+5)	Neurošena planirana sredstva na dan 31.12.2015. (3-4-5)	% izvršenja na dan 31.12.2015 (6/3 x 100)	% izvršenja po god. Na dan 31.12. tek god. izv.tek/pl. tek.
1	3	4	5	6	7	8	9
2013.	3.029.726,59	651.682,13	106.557,86	758.239,99	2.271.486,60	25,03	21,51
2014.	2.648.106,19	113.840,06	407.699,59	521.539,65	2.126.566,54	19,69	4,30
2015.	2.795.991,50	0,00	0,00	0,00	2.795.991,50	0,00	0,00
<b>Ukupno</b>	<b>8.473.824,28</b>	<b>765.522,19</b>	<b>514.257,45</b>	<b>1.279.779,64</b>	<b>7.194.044,64</b>	<b>15,10</b>	<b>-</b>

## Prihodi

Tabela broj 3

R. br.	Ekonomski kod	VRSTA PRIHODA	2015.		% ostvarenja
			plan prihoda	ostvarenje I-XII	
1.	721200	Ostali prihodi od finansijske i nematerijalne imovine	3.759,81	3.759,81	100,00
2.	722100	Administrativne takse	1.700,00	705,00	41,47
3.	722600	Prihodi od pružanja javnih usluga	200.400,00	99.188,26	49,50
4.	722700	Ostale neplanirane uplate	2.136,70	2.630,95	123,13
5.	732100	Primljeni grantovi od zajed. instit. BiH	11.220,00	11.220,00	100,00
6.	700000	<b>Prihodi</b>	<b>219.216,51</b>	<b>117.504,02</b>	<b>53,60</b>